

Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 23. Dissidia Papam inter & Florentiæ Ducem propter quosdam
Religiosos.

[urn:nbn:de:hbz:466:1-66615](#)

Sæcul. XVI. hinc summus Pontifex rem edoctus con-
A.C. 1545. festim die vigesima septima Maii datis
 itidem ad Ferrariæ Ducem literis eun-
 dem hortatus est, ut hunc pacis pertur-
 batorem comprehendendi, atque in vincula
 conjici juberet, hacque occasione prohi-
 ac Catholici Ducis officium, quod Deo
 sanctæque Ecclesiæ debet, adimpleret,
 proque sua & Majorum suorum pietate
 & religione servidum sese exhiberet.
 Annuit Dux Papæ monitis.

§. XXIII.

*Diffidia Papam inter & Florentia-
 Ducem propter quosdam Reli-
 giosos.*

Joan. Bapt. Verum longe gravius a Cosma Medi-
Adriani hist. cæo Florentiæ Duce agitabatur
ad hunc ann. idem summus Pontifex; hujus vero
 contentionis occasio hæc erat. Plures
 Florentini Monarchicum regimen exosi
 pristinam reipublicæ suæ formam brevi
 esse restaurandam sperabant, hinc satis
 aperte vani sui consilii nequitiam pro-
 dentes haud temerariam conflandæ sedi-
 tionis suspicionem Duci præbebant:
 ipsi vero, ut suo molimini æquitatis spe-
 ciem conciliarent, passim in vulgus spar-
 gebant, quod Hieronymus Savonarolla
 Dominicanus, quem, ut suo loco memi-
 nimus, tanquam Vatem divinum vene-

ra-

rabantur, speratam a se regiminis nor- Sæcul. XVI.
mam revocari prædixisset. Haud dee- A.C. 1545.
rant Florentiæ ex Fratribus Prædicato-
ribus nonnulli, qui ceteros in hisce suis
deliramentis firmabant, unde seditionis
periculum, ac proximi mali timorem
magis magisque augebant. Re perce-
pta quantocius Dux hisce Religiosis
præcepit, ut tranquillitatis publicæ stu-
diosi pacem majori studio colerent:
cum vero illi haud acquiescerent, eo-
rum nonnullos, quos seditionis conflatæ
magis reos existimabat, custodiæ dari,
promulgatoque editio illos ex tribus
Monasteriis, quæ Florentiæ incolebant,
intra unius mensis spatium excedere
jussit. Jussa exequi compellebantur
Religiosi, atque eorum Conventum ad
S. Marcum, qui præ ceteris præcipuus
erat, Dux contulit Fratribus Eremitis
D. Augustini, quorum Monasterium non
ita pridem erat destructum. Hisce Du-
cis ausibus haud parum commovebatur
Pontifex, cumque sibi persuasum habe-
ret, quod Dux Papa inconsulto talia at-
tentare non potuerit, hinc Augustinia-
nos ex Monasterio, quod jamjam ingre-
si fuerant, exire jussit: Duci vero indicta
etiam anathematis pœna præcepit, ut
Fratres Prædicatores in pristinum sta-
tum reduceret. Hæc mandata gravi-
bus minis juncta Pontifex tanto impe-

Sæcul. XVI r. Duci proponebat, ut hic tempori ce-
A.C. 1545. dere, ac Dominicanis sua Monasteria re-
 stituere, consultius fore existimaret, ne
 novo suo molimine mala magis funesta
 sibi accerferet, si forte ea, quæ atten-
 bat, pertinaciter prosequeretur.

§. XXIV.

Successio Constantinopolitanorum Patriarcharum in Ecclesia Graeca.

*In Turco-
Gracia l. 2.*

Cum Jeremias Constantinopoli in Græcia natus jamjam anno Christi millesimo quingentesimo vigesimo primo Patriarchali huic Ecclesiæ praefectus fuerit, eandem sedem per plures, quam viginti tres annos occupabat, eo autem regnante Procorus Acridanæ urbis, quæ olim prima Justinianæ appellabatur, Archiepiscopus Constantinopolin ad Patriarcham pervenit, secumque Sultani Diploma attulit, vi cuius fuit declaratum, quod Beroensis Episcopatus, qui Thessalonicae Sedes Metropolitana est, Acridanæ Diœcesi sit obnoxia. Pollicebatur Archiepiscopus hic Turcis, quod tributum a Patriarchis pendi solitum centum omnino aureis augere vellet, dummodo ei præfata urbs restitueretur: cum vero Jeremias demonstrasset, quod hic Episcopatus ultra trecentos abhinc annos Ecclesiæ Constantino-

pq